

徹
賸
八
編
內
鏡
二



图书在版编目 (CIP) 数据

彻賸八編·内鏡/ (清) 刘思敬辑. - 北京: 中医古籍出版社, 2005.10

(中医古籍孤本大全)

ISBN 7-80174-389-X

I. 彻... II. 刘... III. 中医学 IV.R22

中国版本图书馆 CIP 数据核字 (2005) 第 098583 号

ISBN 7-80174-389-X



9 787801 743893 >

中醫古籍孤本大全

徹賸八編·内鏡

原著 清·劉思敬

選編 薛清錄 劉國正

出版發行 中醫古籍出版社

北京市東直門內南小街十六號 郵編 100700

杭州蕭山古籍印務有限公司

二〇〇五年十月第一版第一次印刷

二百五十套

ISBN 7-80174-389-X/R·388

定價 四七〇圓



徹賸八編 內鏡下

碧幢山隱劉思敬輯

診候微商

脉者氣血之所動也。雖附於氣血。而非氣非血。陽日則氣先血後。陰日則血先氣後。脉居其中。如水之瀾。因風與水遇而成。不可名之爲風與水也。脉因氣血而動。不可名之爲氣與血也。

內經以三部各有天地人三而三之爲九候。上中下

不定乎寸部之位。與難經之上爲寸中爲關下爲尺不同。上部俱定於頭面。兩額之動脈。卽下文天以候頭角之氣。此脉在額兩旁。瞳子膠

音寥骨空處

聽會等處

動應於指。耳側之動脈以候人。兩頰之動脈。卽下文地以候口齒之氣。此脉在鼻孔下兩旁。近於巨膠之分動應於指。是則面部不但色診且脉診矣。

一蒼曰面部脉診。問世有幾人知。

中部之三候。俱於寸診。其地候胸中之氣。則氣口也。

下部之天。候於關之肝。地候於尺之腎。人候於脾胃之氣。三部之候。天位乎上。人位乎中。地位乎下。獨下部人候反在天之上者。天氣下降。接乎地之陰氣。此地中之天也。人高乎地。則高乎地中之天矣。內經於中部之三候。舉一手太陰以槩其餘。手太陰者。百脉之所會。大中之中。故應中部。下部之三候。舉一足太陰以槩其餘。足太陰者。陰土也。陰與土其氣俱下。故應下部。經云。按而彈手足踝者。所以盡兩太陰脉之

量周悉無遺也。諸脉獨於兩太陰加意者。太陰屬坤。坤爲胃氣。手太陰之中部。天而卽統乎中部之地。與人貴天之中也。足太陰之下部。人而卽統乎下部之天。與地貴人之中也。天人之際。得中而地道自寧。不必揭地之中。且以知天人之中。卽胃之中。卽地之中也。內經之旨。精奧非神聖不能窮其理。二則醫印

一蒼曰發明九候部位。兩經不同。真開千古心胸矣。

浮山亦宗前說云三部九候之法兩額動脉太陽所
行以候頭角氣上部天也兩頰動脉鼻孔兩旁近巨
髃陽明所行以候口齒上部地也耳前動脉陷中少
陽所行以候耳目之氣上部人也手太陰經渠以候
肺中部天也手陽明大腸合骨以候胸中之氣中部
地也手少陰神門以候心中部人也毛際外羊矢下
寸半陷中五里分臥取以候肝下部天也太谿以候
腎下部地也魚腹上直五里下箕門分沉取以候脾

跗上衝陽之分穴以候胃下部人也。三而三之合則爲九九分九野爲九臟神臟五形臟四也。內經順三才以表舉其實人皆在中。

十二動脈太淵在寸手太陰肺也陽谿在手合骨上手陽明大腸也衝陽在跗足陽明胃也衝門在腹下前股溝縫足太陰脾也陰郤在神門內手少陰心也天窗在喉旁手太陽小腸也委中在腘宛足太陽膀胱也太谿在踝裏旁足少陰腎也勞宮在掌心手厥

陰心包絡也。和膠在耳與目之間。手少陽三焦也。縣
鍾在外廉踝之上。足少陽膽也。太衝在足大指上趺
足厥陰肝也。此以十二經循環言。兩太陰肺脾。兩陽
明大腸胃。是濕土燥金相代錯以化用也。子隨母居。
土旺金盛。故太陰爲臟。位與陽明隔而氣相合爲腑
也。兩少陰心腎。兩太陽小腸膀胱。是君火寒水代錯
以化用也。火從水化。水隨腎至。故少陰爲臟。位與太
陽隔而氣相合爲腑也。兩厥陰心包絡肝。兩少陽三

焦膽是風木相火代錯以化用也。相火寄於肝腎膽者肝之腑。心包絡者腎之配。故厥陰爲臟。位與少陽隔而氣相合爲腑也。一少陽二陽明三太陽一厥陰二少陰三太陰。故少陽與厥陰陽明與少陰太陽與太陰相衝合也。少陽中見厥陰合矣。陽明與太陰合。太陽與少陰合。則峙合也。陽明中見太陰言病生於濕土也。厥陰中見少陽言病乃相火爲之。是從中也。心腎小腸膀胱水火互根。各隨見證而治。是從本從

標也。少陽之病，直治相火。太陰之病，直治濕土。是從本也。風從火，斷則汗之。燥與濕兼，則下之。燥通大腑，濕利小火，皆下也。肝膽三包，心小皆火。脾胃腎肺大膀皆濕。十二經有約幾焉。張璠診手而復診趺陽太谿，正謂三陽以胃為主，三陰以腎為主也。

內經尺寸，尺外以候腎，尺裏以候腹中，附上左外以候肝，內以候膈，右外以候胃，內以候脾，上附上右外以候肺，內以候胸中，左外以候心，內以候臍中，前以

候前。後以候後。上竟上者。胸喉中事也。下竟下者。少
腹腰股膝脛足中事也。微論曰。外以候陽。內以候陰。
腎肝胃肺心。皆近背之陽。故從外取。腹膈脾胸與臍
中。皆近腹之陰。故從內取也。大小腸皆在下焦腹中。
故候之尺裏。樞要亦以左尺主小腸膀胱前陰之病。
右尺主大腸後陰之病。今脉訣乃以大小腸候之上
部。限右尺候三焦。似誤。浮山

內經曰。人迎者胃脉也。麗安常。因此辨人迎在喉天

窗上然夾喉分左右何礙於兩手之分左右乎舊云
氣口候內傷以五臟之氣必因胃氣而升肺也人迎
候外感以肝屬風木外邪迎虛而入也岐伯云肝生
於左肺藏於右肺太陰統氣肝厥陰統血也無可謂
肝在前稍低而葉偏左肺在後最高而葉偏右人之
元氣以火運資胃氣升肝入肺而降旋轉一身晝夜
五十營肺朝百脉平旦會於寸口止此太淵肺氣耳
因氣知血因浮沉上下知陰陽也臟之陰皆行手足

之面。腑之陽皆行手足之背。脉在手足。則左爲陽。右爲陰。一陽膽三焦。二陽大腸胃。三陽小腸膀胱。腑屬人迎。一陰包絡肝。二陰心腎。三陰脾肺。臟屬氣口。故曰浮應皮毛者腑也。沉應肌肉者臟也。而心肺在上。亦以浮應。肝腎在下。亦以沉應。六脉皆和緩者脾胃也。是謂平脉。此豈可泥滑訣乎。仲景曰寸以候氣。尺以候血。槩幾尤簡。人迎氣口謂關前非寸前寸口人迎不得其平。主病。寸口居右手寸關之間。以

其爲脉氣之所會。又曰氣口曰脉口。人迎居左手寸
關之間。六氣之初。足厥陰肝木之所受。故曰人迎。靈
樞禁服篇曰。寸口主中。人迎主外。兩者相應。俱往俱
來。若引繩大小齊等。春夏人迎微大。秋冬寸口微小。
如是者爲平人。人迎大一倍於寸口。病在足手少陽。
二倍病在足手太陽。三倍病在足手陽明。四倍曰溢。
陽爲外格。不治。寸口大一倍於人迎。病在足厥陰。手
心主。二倍病在足手少陰。三倍病在足手太陰。四倍

曰溢陰。爲內關不治。內經終始篇曰。人迎與太陰脉
口俱盛。四倍以上。曰關格。與之短期。蓋平則中和。不
平則盛而躁。陽單行。陽而不交。陰。陰單行。陰而不交。
陽。陰陽不得其所。陽躁而陰亦躁。如男女之怨。曠多
事也。陽躁易辨。陰躁難知。辟之冰裂而有火。硝石冷
而發火。若能于一倍杜其端。而審其本末。庶不漸至
加甚矣。

脉度三部。尺部獨長。以徵胃氣。母氣從來以掌後高。

骨爲關之準。關前爲寸。抵魚際。關後爲尺。抵尺澤。高骨不必言。掌後已隆起于掌前。魚際者。掌之盡處。尺澤者。股之盡處。寸止九分。陽數也。尺實一尺。陰數也。素問脉要精微論曰。上竟上者。胸喉中事。下竟下者。少腹腰膝脛足中事。舉胸喉而頂首已寓矣。今人不知魚際在掌盡處。但於寸之上。略移一分。便以爲上。竟上其候尺澤。愈不知竟至股盡處。亦於尺之下。略移一分。便以爲下。竟下。皆未明竟字之義也。寸爲陽。